

Årsmøte Hjelmås mannskor 12 febr. 2019

Møte vart sett kl.18:00 i Dampen sitt auditorium i Knarvik. Formann ynskja velkommen til dei 18 frammøtte. Sakliste:

1. Godkjenning av møteinnkalling og sakliste.

Formann vart vald til ordstyrar og las opp sakliste. Det var ingen merknader til innkalling og sakliste.

2. Val av ordstyrar og referent.

Formann vart vald til ordstyrar. Nils Haugsmyr vart vald til referent.

3. Val av to representantar til underskrift av møtebok.

Bjørn Jostein Fyllingsnes og Johannes Rydland vart vald til å skriva under møteboka.

4. Årsmelding.

Gjennomgang av årsmelding. Kommentar/merknad til årsmelding: Styret har siste år ikkje vorte konstituert. Formann tek ansvar for dette. Årsmeldinga godkjend med denne merknaden.

5. Rekneskap2018 /budsjett 2019.

Denne saka vart utsett då kasserar var fråverande (sjukmeld)

6. Kontigent for 2018.

Kontingent for 2019 vart halde uendar kr 1500 .

7. Innkome saker.

a) Kontrakt med dirigent for 2019-2020.

Styret får i oppgåve å ordne ny kontrakt med dirigent Helge Riise. Kontrakten skal gjelde frå 1 august 2019 til 31 juli 2020.

b) Revisjon av vedtekter.

Framlegg til endringar i ein del av paragrafane i vedtektene vart gjennomgått. Alle hadde fått desse utsendt på førehand og nokre merknader var kome inn til årsmøtet.

Paragraf 1.Føremål og organisasjon.

Forslag om ny tekst: «Koret skal vera ein møteplass for mannfolk som likar å syngja og gjennom songen glede andre» . Vart vedteke av årsmøte.

Paragraf 4. Val.

Forslag om ny tekst: «Varamedlem, vald for 1 år med møterett og uttalerett i styret» Vart vedteke av årsmøte.

Forslag om ny tekst ang valnemd: «to medlemmer, vald for to år». Vart vedteke av årsmøte.

Paragraf 6. Årsmøte.

Forslag om endring av ordlyd. Etter diskusjon vart det beslutta å ikkje gjera endring på denne paragrafen. Dette vart beslutta ved avstemming.

Paragraf 8. Aktivitetane til koret. Denne paragraf går ut og erstattes med paragraf ang kontigent.

Paragraf 8.Kontingent.

«Medlemmer i koret betaler kontingent kvart semester med forfall 15 febr og 1 okt. Årskontingent vert bestemt på årsmøte. Medlemmer som har fått innvilga permisjon i et heilt eller del av et semester, betaler redusert kontingent når permisjonstida varer meir enn 2 mnd. Ellers betaler ein vanleg kontingent».

Paragraf 9.Permisjon.

«Søknad om permisjon skal meldast skriftlig til styret».

Paragraf 10. Æresmedlemskap.

Denne paragraf har fått ny ordlyd. Sjå vedtekter.

Vedtektene slik dei vart etter årsmøtet følgjer her:

§ 1. Føremål og organisasjon

Føremålet til koret er å arbeide for lokal mannskorssong og all songleg verksemd. Koret er eit mannskor og ein sjølvstendig organisasjon med ansvar for eiga drift og økonomi. Koret har inga øvre eller nedre aldersgrense. Koret skal vera ein møteplass for mannfolk som likar å syngja og gjennom songen glede andre.

§ 2. Vilkår

Songarane i koret har ansvar for:

- å møte presis til alle songøvingar, konsertar og andre opptreningar.
- å gje beskjed til leiinga i koret om nødvendig forfall.
- å betale kontingent til fastsett tid.
- å rette seg etter dei vedtaka som vert gjort av koret og leiinga i koret.

§ 3. Styre og utval

Styret i koret skal vere samansett av medlemmar som ønskjer å bruke tid og engasjement for å arbeide for koret. Styret skal stå for drifta av koret slik det går fram av vedtektene. Det betyr:

- stå for den praktiske og økonomiske drifta av koret.
- iverksetja årsmøtet sine vedtak.
- oppnevna etter behov - komitéar, utval, eller personer for spesielle oppgåver.
- vera bindeledd mellom kor og dirigent, vedlikehalde arbeidsavtale.
- arrangera kurs og korseminar i samarbeid med dirigent.
- administrera og føra kontroll med koret sin økonomi og eigedom.
- representere koret i det offentlege rom når det er aktuelt.
- halde medlemmane orientert om saker av felles interesse.

Styret skal ha møte når leiaren kallar inn, eller når eit fleirtal i styret ber om det. Styret er vedtaksført når minst 3 av styret sine valde medlemmer er tilstades.

Styret og dirigent vel ei programnemnd som består av dirigent og 2 kormedlemmar. Ved likt stemmetal har leiaren dobbeltstemme.

§ 4. Val

Årsmøte vel styre etter følgjande modell:

- leiar vald for eitt år.
- kasserar vald for to år.
- styremedlem A, vald for to år
- styremedlem B, vald for to år.
- varamedlem, vald for 1 år med møterett og uttalerett i styret.

Det nye styret konstituerer dei andre funksjonane i styret på første møtet etter årsmøtet. Årsmøtet syter for at det er ei rullering i styret som gjer at kontinuiteten i styrearbeidet ivaretakast.

I tillegg skal årsmøtet velgja:

- noteforvaltar: vald for eit år. Noteforvaltar treng ikkje vere medlem i styret.
- valnemnd: to medlemmar, vald for to år. Ein går ut første året, nyval på ein i valnemnda kvart år.
- revisor vald for 2 år.

§ 5. Dirigent

Dirigenten har ansvaret for den musikalske/kunstneriske leiinga av koret, og kan delta på styremøte etter behov. Dirigenten har møte og uttalerett i styremøte.

§ 6. Årsmøte

Ordinært årsmøte skal haldast innan utgangen av februar, og innkalling skal kunngjerast med varsel minst tre veker på førehand.

Årsmøtet er det høgaste organet til koret og skal handsame følgjande:

- Årsmelding-rekneskap-budsjett-val-fastsetjing av kontingent-innkome forslag. Årsmelding, rekneskap og andre saker/forslag, som skal handsamast på årsmøte, må leggjast fram for styret 14 dagar før handsaming.

§ 7. Ekstraordinært årsmøte

Ekstraordinært årsmøte skal berre handsame og ta avgjersle i dei sakene som er ført opp på saklista til møtet. Ekstraordinært årsmøte innkallast av styre med minst 14 dagars varsel etter:

1. Vedtak på årsmøtet i koret
2. Vedtak av styret i koret
3. Krav frå minst 1/3 av dei aktive medlemmane

§ 8. Kontingent.

Medlemmer i koret betaler kontingent kvart semester med forfall 15.februar og 1. oktober.

Årskontingent vert bestemt på årsmøte.

Medlemmer som fått innvilga permisjon i heilt eller del av eit semester, betaler halv kontingent når permisjonstida varer meir enn 2 månader. Elles betaler ein vanleg kontingent.

§ 9. Permisjon

Søknad om permisjon skal meldast skriftleg til styret.

§ 10. Æresmedlemskap

Menneske som har sett sitt preg på trivselen og miljøet i koret, og som har gjort ein særleg stor innsats i verksemda til koret, kan verta heidra med æresmedlemskap. For å kunne verte tildelt den høgaste utmerkinga i koret, må eit grunngjeve forslag om dette få samrøystes vedtak i styret. Årsmøtet gjer så endeleg vedtak. Æresmedlemskap skal markerast og vert gjeve med diplom.

§ 11. Vedtektsending

Forslag om vedtektsending må leggjast fram i årsmøte og krev 2/3 fleirtal av årsmøte- deltakarane.

§ 12. Oppløysing av koret

Forslag om oppløysing av koret må leggjast fram i årsmøte og krev 2/3 fleirtal av dei registrerte medlemmane i koret. Aktiva i koret og korleis eigendelane til koret skal disponerast, vert avgjort i årsmøtet.

Vedtekter samrøystes vedtekne på årsmøtet i koret 12.2.2019.


8. Val


STYRET I HJELMÅS MANNSKOR FOR 2019:

Leiar	Reidar Konglevoll.	Vald i 2019 for 1 år
Kasserar	Bjørn Jostein Fyllingsnes.	Vald i 2019 for 2 år
Styremedlem	Nils Haugsmyr.	Ikkje på valg
Styremedlem	Olav Borlaug.	Ikkje på valg
Varamedlem	Øyvind Olsen.	Vald i 2019 for 1 år
Valnemd:	Alf Bjarne Nilsen.	Vald i 2019 for 2 år
	Lars Johan Haukås.	Ikkje på valg
Revisor:	Kari Klokkeide Sandvik.	Vald i 2019 for 2 år
Noteansvarlig:	Per Ole Ekker.	Vald i 2019 for 1 år

Møtereferent: Nils Haugsmyr

UNDERSKRIFT AV MØTEREFERAT:


Bjørn Jostein Fyllingsnes


Johannes Rydland